

雷殷編著

世界戰禍由來

中華民國四年五月二十四日印刷
中華民國四年五月二十七日發行

定價 華洋五角
日洋四角

版權所有

編著者

愷雷

殷

校閱者

姚嘯

海

發行者

姚嘯

海

印刷者

佐々木俊一

發售處

中國各書坊

東京市麹町區飯田町二丁目五十番地

序

雷君惠南余同學友也。怵心時變。發憤著書。出所撰『世界戰禍由來』見示。余受而讀之。起而言曰。此次戰爭之所起。非起於所起。而起於所終也。其所起者。特其機之發耳。塞人之殺奧皇儲也。塞固不能甘心。其發最後通牒宜也。塞苟無俄之後援。直承認已耳。焉有拒絕而與強大之奧爭雌雄之理。則戰無由起。俄即爲塞援也。假使德不助奧。塞亦知塞之後有俄。必先留讓步餘地。則戰亦無由起。德即助奧。假使法不助俄。則俄孤立。塞得以強臨塞。塞亦終於承認。則戰仍無由起。法即助俄。假使無英之加入以抑德。俄法雖合力卒不敵。則戰終不起。起亦決難持久。惟英之加入也。乃此次戰爭之所以起也。起而尙未知所以終。然亦即此次戰爭之所以終也。故欲知此次戰爭之所起。須視其所終。於其所終乃見其所起。神光離合。乍陰乍陽。驟視若爲主動原因者。實則皆助動原因也。德本勃興之國。環顧世界。可與爲難者。英國而外。殆無其人。而英又屢恃其名譽上之強大以摧抑之。德之憤嫉欲與一戰以收名而定霸者久矣。毛羽未豐。

固莫可如何。軍實已充。財力既裕。則惟徐以伺機會之來。今何時乎。不可失矣。故戰書甫發。即以全力奪取比利時而有之。巴黎可下而不下。乃移其實力於北海沿岸。出奇襲以攪英倫。繼復噬土耳其。出兵蘇彝士河以窺埃及。其心昭然若揭。蓋其計固早定也。而英則何如者。過去之歷史。姑不置論。顧開戰未幾。於倫敦則有一國不能單獨媾和之協約。於巴黎又有三國財政上聯和之會議。是皆以英爲其主動。蓋其時俄則有與德講和之風說。法亦以英之游移不決而有怨言。俄法苟離。則英成孤立。行且見屈於德。烏能不預爲之地乎。夫以新進之德。乃崛起而與老成強大之英爭霸。天空水底。咄咄逼人。使所謂老成強大之英。大有手忙足亂。應接不暇之勢。於是皇皇然增軍備。起軍資。最近且不惜破棄數百年來之政黨內閣。一變而爲混合內閣。蓋已恍然於項莊舞劍意在沛公。非謀舉國一致示最後之決心。恐無以當斯勁敵也。故欲求此次戰爭之眞面目。必至是而後可以發揮無復餘蘊。頃者意大利又起而加入聯合軍矣。未來勝負。固難推測。然必視英德以爲轉移。則可斷言。吾故曰。此次戰爭。非起於所起。而起於所終也。夫以一二國野心所伏。偶然破厥機緘。遂至牽一髮而全身俱動。其極究

各爲其利益競爭。人國存亡。悉非所計。若比利時土耳其以及吾中華民國。亦皆爲其餘波震撼。或亡或敗。或喪權辱國。戰戰栗栗。慮無以偷旦夕之安。而人則泰然若猶有所未厭也。讀惠南書。有不能已於言者。因書以歸之。

中華民國四年五月

仇鰲識於日本江戶旅次

自序

德意志人有言曰。進攻者最良之躲避也。旨哉言乎。今次之戰。各國皆貫徹斯旨而圖存者也。以進爲退。以攻爲守。吾國尙矣。如軒轅黃帝。如秦皇漢武。唐太。鞭笞四夷。征服八荒。恢張國勢。保安致治是也。然自有中英中法之戰。繼以中日之戰以後。舉國上下垂頭喪氣。以退爲守矣。於是香港、琉球、安南、緬甸、臺灣、朝鮮、相繼淪亡。淪亡未已。而勢力範圍生焉。西江流域屬之法。長江流域屬之英。山東屬之德。福建、南滿屬之日。北滿、蒙、疆屬之俄。英吉利且包舉西藏而拊吾之背。於是乎所餘者。中部河山已耳。（河南山陝）此皆以退爲守之小結果也。退之不已。則天地雖大。安有吾四萬萬神明華胄容足處。斯時也。非相率投海。以塞太平洋之波。則惟有支離破碎。分隸於各國之籍。而爲人奴耳。若是者。以退爲守之最終結果。理勢所必至之符也。吾國民乎。吾四萬可愛之同胞乎。吾人欲免亡國之慘劇。奴隸之痛苦乎。吾人今後須衆志成城。以戰爲守。吾人須學日耳曼人精神。以進攻爲躲避。孔子曰。以不教民戰。是謂棄之。吾國之棄民久矣。願吾政府今後以教民戰爲唯一義務。更願吾國民今後以學戰爲唯一天職。至若學戰之程度當至如何。則必能使世界人類。常向吾四萬萬同胞長跪哀鳴而後可。此乃斯書之本旨。著者之微意也。

例言

- 1 本書名曰世界戰禍由來、實際內容、即略述各交戰國國家政策及外交政策大方針、詳述各交戰國之利害接觸外交關係之實情、而演出戰爭之慘劇、
- 2 本書主目的、急欲乘此風雲慘淡機會、而介紹世界智識於國人、倉猝操觚、行間字裏、或欠整理、然事實當不差謬、
- 3 本書參考用書、約三十餘種、內中參取法學士吉野作造氏之意見頗多、因吉野氏在政法學校講演歐洲戰亂之原因、著者曾充該科編譯故也、劉彥君著中國近世外交史、與本書頗有相發明處、閱者不妨參照、
- 4 所譯地名、人名、多取熟名、熟名所無者、始行新譯、
- 5 此次戰爭結果、世界大勢、必因以變遷、我國地位愈因以危險、著者不揣固陋、擬續以第二卷或第三卷臚列介紹於我國人、
- 6 關於本書編著、蒙易象君、彭允彝君、仇鰲君、指導甚多、著者特聲明感謝、
- 7 本書係本年正月脫稿、因諸多阻滯、故遲至今、對於希望閱者特爲道歉、

世界戰禍由來目錄

第一編 緒論

第二編 戰爭伏機

第一章 近世紀帝國主義之蓬勃

第一節 帝國主義真象

第二節 俄羅斯之帝國主義

第三節 英吉利之帝國主義

第四節 德意志之帝國主義

第五節 奧大利追隨於帝國主義

第六節 法蘭西勉強於帝國主義

第七節 意大利顛播於帝國主義

第八節 日本垂涎於帝國主義

第九節 塞爾維亞之大塞爾維亞主義	二五
------------------	----

第二章 英俄德奧帝國主義接觸點(即近東問題)	二九
------------------------	----

第一節 巴爾幹半島位置及其形勢民風	二九
-------------------	----

第二節 土耳其帝國編制及其國情	三一
-----------------	----

第三節 伯林公會前後之巴爾幹	三三
----------------	----

第四節 俄羅斯南下與巴士	三六
--------------	----

第五節 英吉利北防與土耳其	三八
---------------	----

第六節 奧大利東伸於巴爾幹	四〇
---------------	----

第七節 德意志厚植勢力於土耳其	四二
-----------------	----

第八節 近東問題輾轉中之塞爾維亞	四三
------------------	----

第九節 近東問題經過總括	四四
--------------	----

第三章 德奧意三國同盟	五〇
-------------	----

第一節 德意志統一後德俄奧關係(即三帝同盟)	五一
------------------------	----

第二節 伯林公會後德俄奧惡感	五四
----------------	----

第三節	德奧同盟成立	五七
第四節	意大利加盟德奧及其原因	五八
第五節	三國同盟改締	五九
第四章	俄法同盟	六〇
第一節	三國同盟後俄德奧關係(又即俄德密約及三帝同盟)	六一
第二節	俄法同盟起因	六二
第三節	俄法同盟經過	六三
第五章	英法俄協商	六四
第一節	英法協商原因	六五
第二節	英法協商之經過	六六
第三節	英俄接近原因	六七
第四節	英俄協商成立	六八
第六章	同盟協商與巴爾幹各國之向背	六九
第七章	同盟協商聲裏之比利時	七〇

第八章 日英同盟……………六五

第一節 日英同盟起源……………六五

第二節 日英同盟成立……………六九

第三節 日英同盟改締……………九一

第九章 日法協約及日俄協約……………九六

第十章 德意志逼租膠州灣……………一〇三

第二編 戰爭動機……………一〇八

第一章 摩洛哥問題(第一)……………一〇八

第一節 歐洲各國與摩洛哥利害關係……………一〇八

第二節 英法協商後德意志憤懣……………一〇九

第三節 摩洛哥問題之危機……………一一一

第二章 波斯尼亞及黑爾哥維那二州問題……………一二三

第一節 奧大利取得波黑二州行政權……………一二四

第二節	奧大利宣言合併波黑二州	二六
第三節	德奧俄塞之戰機	二七
第三章	摩洛哥問題(第二)	二九
第一節	摩洛哥問題再生	二九
第二節	德意志威嚇法蘭西	三〇
第三節	德法英戰爭迫切	三一
第四章	最近巴土戰爭	三三
第一節	巴土戰爭原因	三三
第二節	巴土戰爭與歐洲列強關係	三七
第三節	土耳其政變及和議破裂	三九
第四節	巴土戰爭結局與列強	三三
第五節	巴幹各國同盟破裂與列強關係	三五
第六節	亞爾巴尼亞動亂與塞奧交通	三九
第五章	巴土戰後歐洲均勢破裂	四〇

第六章	巴土戰後全歐戰禍之暗潮	一四六
-----	-------------	-----

第七章	奧大利皇儲被暗殺	一五二
-----	----------	-----

第一節	奧皇儲暗殺事件及其原因	一五二
-----	-------------	-----

第二節	奧塞外交關係及其國交斷絕	一五七
-----	--------------	-----

第四編	戰禍爆裂	一六二
-----	------	-----

第一章	奧塞俄法德宣戰	一六二
-----	---------	-----

第二章	德意志侵犯比利時中立	一六三
-----	------------	-----

第三章	英德宣戰及其真象	一六五
-----	----------	-----

第四章	意大利脫盟及其原因	一六七
-----	-----------	-----

第五章	日德宣戰及其目的	一七一
-----	----------	-----

第六章	土耳其宣言神聖戰爭	一七五
-----	-----------	-----

第七章	戰爭後歐洲局外中立國之態度	一七八
-----	---------------	-----

第一節	西歐之西葡二國	一七
第二節	南歐之意大利	一八
第三節	東歐之羅馬尼亞保加利亞希臘	二一
第四節	中歐之荷蘭	二六
第五節	北歐之瑞典挪威丹麥	二七
第八章	美利堅中立與和局關係	二九
第五編	各交戰國財力兵力戰鬪力之概略	三二
第一章	各交戰國財力之比較	三二
第二章	各交戰國戰時兵員及戰鬪力之比較	三六
第六編	結 論	四〇

世界戰禍由來

編著者 雷 殷

澤愷

校對者 姚 嘯 海

第一編 緒論

歐洲此次之戰。空前之大觀也。臨戰場者。双方二千萬以上。每日所費。計以億圓。空中作戰。水底鏖兵。巨艦之破浪驚濤。大砲之攻堅陷陣。水雷魚艇之精銳。壁壘要塞之堅牢。固吾輩之所未聞。亦有史以來所未有。嗚呼。偉矣。海上作戰。動曰某國戰艦破滅若干萬噸。水雷魚艇殲毀若干。空中作戰。則曰某國飛機摧落若干。至於攻城略地以戰。則曰某軍被射殺者若干萬。某軍被捕虜者若干十萬。所破滅者。摧落者。殲毀者何。曰國帑也。國帑者何。曰人民之汗血也。被射殺者。被捕虜者何。一國之精銳也。集一國恒河沙數之汗血。驅一國至可珍愛之精銳。而消毀之於槍彈砲雨。沙場馬足之下。嗚呼慘矣。夫英、俄、德、奧、法、等國者。自稱世界文明國。盎格魯撒克遜、斯拉夫、日耳曼、拉丁、諸族者。自稱優良之民族也。今冒世界之不韙。甘人生之慘劇。而決然拚生命以戰。而人民之請纓從戍。婦孺之隨軍。

効力者。且絡繹不絕。若是者何哉。弱肉強食。生存競爭。非各求爲強者。則不可以自存。既各求爲強。而不願居於弱。此其所以爭也。爭之結果。而強弱分焉。強弱既分。而存亡兆焉。易言之。即各欲以一戰之結果。盡敵人皆亡之。惟我獨存也。愛生存。惡死亡者。動物類之天性。而人類尤孜孜不已者也。故竭力以戰者。即其所以賭現時之生死。而爭後此之安存。忍現時之痛苦。而求後日之幸福。爭安存。求幸福。自稱文明人者尤切。此世界大戰禍。終創諸英、俄、德、奧、法、等國。而肉薄以爭者。則盎格魯、撒克遜、斯拉夫、日耳曼、拉丁、諸族也。

因生存而不能不戰爭。固也。然則此次之戰。將何以名之乎。名之曰民族之戰爭乎。抑名之曰霸權之戰爭乎。霸權戰爭之原因。由於野心家之思逞乎。抑由於人民之主動乎。主動之原因。由於文明之接觸乎。抑僅緣於經濟界生存之必要也。

自斯拉夫民族統一主義運動盛行。而民族競爭之聲起。無何日耳曼民族統一主義運動繼之。民族與民族競爭。乃漸現於事實。斯拉夫民族統一主義運動之時期最早。而其規模亦甚大。以時期論。自彼得大帝著志圖南始。以規模論。則右跨北海。左踏波斯波維。經堪察加。達日本。以爲藐藐歐洲。終必長跪而哀鳴。泱泱大國。惟斯拉夫族所肇創。無何日耳曼民族統一運動又起。其運動開始之時。即普魯士新興之日。其最初目的。僅在統一德意志。追德意志既統一。復爲積極之計畫。即欲統括北歐諸同族。並結合奧大利而東侵。日耳曼民族東侵之希望生。於是與斯拉夫族衝突起。蓋住巴爾幹半島諸邦者。強半斯拉夫族。與斯拉夫民族統一主義不相容故也。斯拉夫日耳曼

二族既不相容。而德奧同盟。德奧意三國同盟生矣。其主目的首在禦俄也。斯拉夫族爲自衛計。於是結合俄法同盟。以抗之。繼因俄法同盟力弱。又締結英俄法三國協商。其目的皆不外合力制服日耳曼人也。即日耳曼斯拉夫二族衝突之點以觀。則歐洲近代外交之關係。一若皆發源於是。故此大戰爭。名曰民族戰爭亦可。雖然。三國同盟中有意大利。意大利者。拉丁族也。二國同盟曰俄法。法者。拉丁族。俄者。斯拉夫族。二者原風馬牛不相及。且拉丁族之意大利。竟與法人反其利害。而加盟於日耳曼族。再就三國協商以觀。則英吉利者。盎格魯撒克遜族耳。與俄法族類亦殊。就此諸點以觀。則民族戰爭之說。似亦不確。而盎格魯撒克遜、拉丁、斯拉夫三族。共同抗拒日耳曼人者。不過有特別之利害關係。而爲一時之結合。究非出於民族真正之感情也。

民族戰爭之說既非矣。然則此次之戰。當名曰霸權戰爭乎。普魯士新興。既驅奧而撲法。於是德意志統一完成。此皆卑斯馬克鐵血主義之功也。鐵血政策奏効。德意志帝國統一。於是又欲襲用故智以鞭笞天下。此又德意志帝國統一後。卑斯馬克氏所採之政策。今帝威廉二世即位以來。尤勵行之不遺餘力者也。當德奧同盟。三國同盟時。乃爲卑斯馬克氏。欲以鐵血主義鞭撻歐洲大陸。以制法人死命。而奪俄人制陸權。迨其與英人極力競張海軍。不能相下。乃爲威廉二世。欲以鐵血主義鞭笞世界。而爭英人制海權。綜言之。即德人欲以鐵血主義雄飛天下也。德人之鐵血主義。一再完成。則英俄之帝國主義隨而崩壞。法蘭西更無以自存。俄法英爲此懼。於是俄法締盟。對抗德人制陸。英法俄協商。對抗德人制海。兼對抗其制陸野心絕大之德意志。遂陷於陸海四面皆敵矣。即此諸點以